



Australian Embassy
Timor-Leste

COVID-19



16 Jullu 2021

Mensajen husi Embaixador Austrália ba Timor-Leste, Peter Roberts



Bemvindu mai ami nia Embaixada nia bulletin informasaun ba edisaun fulan Jullu nian.

Iha notisia di'ak desde ami nia bulletin informasaun antes iha fulan ida liu ba, númeru infesaun COVID-19 iha Dili tuun daudaun ona no númeru kazu ativu mós menus ona. Ami nia parabéns ba Ministériu Saúde ba sira nia kampaña nasional ba vasinasaun ne'ebé la'o ho lais no ba pesoál hothotu ne'ebé mak hakat ona hodi ba simu vasina. Austrália orgullu halo parseria ho ita-boot.

Ho kazu ne'ebé deteta ona iha kada munisípiu no númeru vasinasaun ne'ebé menus iha Dili nia liur, mezmu nune'e, ita tenkesér kontinua hodi serbisu hamutuk luta kontra virus ida ne'e no proteze hirak ne'ebé mak vulneravel liu duke ita. Ha'u haksolok tebes simu ona ha'u nia vasina AstraZeneca doze daruak ne'ebé mak nesésariu tebes hodi fó protesauun másimu ba COVID-19, no partikularmente ba efikasiasa ótímu kontra variante Delta.

Iha fulan liu ba, Austrália halo ona:

- 01** Distribui tan vasina COVID-19 ne'ebé prodúz iha Austrália hamutuk 157,850 mai Timor-Leste, ho ida ne'e total númeru Austrália nia vasina hamutuk 227,850 ne'ebé ami distribui ona desde kedan fulan Maiu. Hatan ba Timor-Leste nia pedidu ba vasina barak tan, Austrália hasa'e tan númeru distribuísauun hodi nune'e bele tulun Timor-Leste aselera kampaña vasinasaun, tantu iha Dili no mós iha munisípiu sira, salva moris no hamenus ameasa moras síriu no baixa iha ospítal tanba COVID-19. Iha período tempu ida ne'ebé distribuísauun vasina sei limitadu nafatin, Austrália komprometidu ona hodi fahe doze millaun 15 vasina COVID-19 ho nasaun sira iha rejiaun Pasífiku no mós Timor-Leste – hodi nune'e ita nia rejiaun bele responde no rekupera hamutuk.
- 02** Estende ona Austrália nia programa PARTISIPA ba tinan 10 tan ho investimentu osan dolár Austrálianu millaun 80 iha Timor-Leste nia Programa Nasionál Dezenvolvimentu Suku (PNDS). Liuhosi kria serbisu, estímula atividade ekonomia lokal no reabilita infraestrutura lokal sira ne'ebé mak kriticu, PNDS tulun hodi hatan ba impaktu ekonomiku husi COVID-19 no hadi'ak kondisaun moris.
- 03** Kontinua ona hodi foka ba kualifikasaun vokasionál no abilidade sira liuhosi estabelese Austrália Pacific Training Coalition (APTIC) ka Koligasaun Formasaun Austrália – Pasífiku iha Timor-Leste. APTIC ne'e hala'o ona operasaun iha nasaun sia iha rejiaun ida ne'e no ida ne'e ba dala-sanulu harii iha Timor-Leste. APTIC sei halo parseria ho institutu formasaun lokal hodi fornese formasaun relevante ne'ebé kualidade iha Timor-Leste ba fornese dór serbisu sira, tantu iha Timor-Leste no mós internasionamente.



Atu nafatin atualiza ho informasaun tuir mai, tuir ami nia pájina Facebook 'Australia in Timor-Leste'. Ita bele hetan ami nia buletín nia edisaun antigu sira iha ami nia sítiu internet.

04

Liuhosi ami nia Programa Kooperasaun Defeza (DCP) hahú ona konstruksaun ba fasilidade izolamentu nian iha área fronteira Maliana. Esforsu ida ne'e la'o kedan depoizde kolaborasaun ne'ebé susesu entre DCP, F-FDTL no Ministériu Saúde hodi harii fasilidade izolamentu ida iha Baucau. Austrália nia Forsa Defeza no F-FDTL mós finaliza hela planu hodi hala'o ita nia ezersísiu anuál boot liu, Harii Hamutuk, ne'ebé mak sei hahú iha fulan Agostu no foka ba iha hasa'e kapasidade ba enjiñaria.

05

Loke ona fasilidade foun hodi uza ba formasaun ba PNTL nia Unidade Polísia Espesiál (UEP) no hamutuk ho S.E. Primeiru Ministru Taur Matan Ruak no S.E. Vice Ministru Interior Tony Armindo loke ona postu polísia foun ida iha Illa Ataúro. Polísia Federal Austrália, liuhosi Programa Dezenvolvimentu Polísia Timor-Leste, tulun PNTL hodi haforsa kontrollu iha área fronteira no prevene movimentu ema no sasán ilegal.

06

Lansa ona parseria públiku privadu – Orijem Timor – hodi liga Timoroan nia to'os na'in kafé sira ho esportadór sira iha merkadu rai-liur. Inisiativa Plataforma Parseria Negósiu ida ne'e sei tulun uma kain hamutuk 1,000 inklui feto sira hodi hetan rendimentu liuhosi kafé ho valór aas ba merkadu globál.

